



UNIVERSITÄTS-  
BIBLIOTHEK  
PADERBORN

**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Dvb. 2. Quando lex Baptismis cœperit obligare.

---

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

34 Qu. 66. De Pertinent. ad Sacram. Baptismi. Art. 2. Dub. 1. 2.

**R**espondeatur obiectionibus. Ad Argumenta in contrarium: Respondetur Ad Primum, Spiritus sanctus ante Christi mortem non fuerat datus, nempe in ea plenitudine, & cum signo visibili, sicut post Ascensionem. Ita D. August. tractatu 3. in Ioannem; & Cyrus lib. 12. in Ioannem cap. 56. & Alcuinus loco citato: alioqui certum est multis ante Christi mortem inuisibiliter datum Spiritum sanctum, scilicet omnibus iustis. Adde, Si hoc argumentum valeret, Baptismum non fuisse instituendum ante adventum Spiritus sancti: quod nemo dixerit. Ad Secundum, Baptismus non solum ex Christi morte, sed etiam ex alijs eius meritis vim habere potest, cum singula eius actiones sint infiniti pretij, quamvis vim habere potuerint à morte futura, etiam à Christo acceptata à primo instanti conceptionis. Ad Tertium, Non requiritur ut fuerint sacerdotes, quando Baptismum administrabant: nam quiuis est minister baptismi. Ad Quartum, Statim dicam. Ad Quintum, Qui baptizabantur ante Christi mortem, configurabantur morti & resurrectioni futura, quæ in diuina præordinatione & Christi acceptatione iam antecesserat.

Dico Secundò, Probabile est, Baptismum institutum, dum Christus in Iordanem baptizaretur. Ita D. Thomas, & eius sectatores: & Hugo Victorinus lib. 2. de Sacramentis. Parte 6. cap. 4. Probatur: Quia tunc designata est materia. Nam ut Patres docent, Christus tunc suo baptismō aquas sanctificauit, ut idoneæ baptismō essent: vt docet D. Augustinus serm. 29. 36. & 37. de Tempore. Ambrosius lib. 2. in Lucam cap. vlt. Hieronymus dialogo contra Luciferianos. Chrysostomus homil. 12. in Matth. & passim Interpretates in 3. cap. Matth. Vnde paſsim docent Christum contactū carnis suæ aquis vim regenerativam contulisse. Quod in terminis docet D. Augustinus sermone 36. & Beda lib. 1. in Lucam cap. 10. Similiter designata est tunc forma, per hoc, quod tota Trinitas tunc apparet: & effectus, per descendū Spiritus sancti in specie columbae: ergo totum Sacramentum baptismi tunc est institutum. Aduerte tamen, hanc rationem non conuincere aliud, quā tunc Mysticō modo materiam & formam baptismi Christi designatam. Vnde

Dico Tertiò, Probabiliter videri non tunc præcise esse institutum, sed aliquamdi post, quando post ieiunium suum Dominus discipulos habere coepit. Insinuat aperte Scotus dist. 3. qu. 4. Ratio est; nam ad institutionem requiritur efficaç voluntas & ordinatio, ut ex certo momēto incipiatur esse Sacramentum, id est, constare tali materia & formā, cum tali virtute, & significacione; sicut sit in impositione aliorum signorum. Deinde requiritur, ut hæc voluntas etiam exteriū aperiat, & forma materiaque exprimatur: consentaneum enim est, ut signorum sensibilium institutio fieri per actum externum & sensibilem. At credibile est, hac Dominum non fecisse cum ipse baptizaretur, & nullos adhuc discipulos haberet, sed poteat collectis discipulis qui hanc institutionem perciperent. Confirmatur: Quia sic videmus instituta reliqua Sacra menta, Eucharistiam, Pœnitentiam, Ordinem. Ad Patres autem facile responderi potest; illorum mentem non esse, tunc propriæ Baptismum Christi esse institutum, quando ipse baptizabatur; sed designationem & deputationem materiae & formæ baptismi, propediem

instituendi, mysticè factam. Nihilominus non repugnat Baptismum institui per actum mere internum: vnde etiam tunc fieri potuit hæc institutio.

D V B I V M . 1 1 .

Quando Lex Baptismi cäperit obligare?

**O** Missis varijs sententij (hæc enim quæstio ad tractationem de Legibus spectat, sicut & illa de cœfatione legalium.) Respondeo; Quemque in particuliari caput obligare, quando Euangelica prædicatio ei plenè innotuit, vel certè portuit humano more innotuisse, spectato temporis spatio, & prædicationis vicinitate aut celebritate. Colligitur ex D. Bernardo epist. 77. quæ est ad Hugonem de Sancto Victore.

Ratio est, Quia promulgatio legis inducens Quæ legi obligationem, debet esse talis, vt innoteat; vel portat saltem ex se sit sufficiens; & necessarium habeat interuallum ut humano more in omnium notitiam posset venire. Atqui humano more fieri nequit, ut promulgatio vno loco facta, possit eodem tempore in omnium hominum notitiam venire: ergo talis promulgatio non inducit obligationem.

Vbi aduerte, Non requiri ad promulgationis sufficientiam, ut in omnium notitiam veniat; sed, ut ex se sit sufficiens, quæ in omnium passim cognitionem possit peruenire, spectata humana diligentia, & tanti vel tanti temporis cursu. Quod si actu nō perueniat ad omnes, id per accidens est ipsi promulgationi; ac proinde non idcirco cœfenda est nō obligare. At ut promulgatio vno loco vel vno tempore facta, eodem tempore in omnium notitiam veniat, per se absque miraculo est impossibile: vnde non est accommodatum, ut omnibus hominibus tunc obligacionem inducat; & talis modus inducenda obligacionis nō est humana naturæ consentaneus. Hinc Expressa Trinitatis & Incarnationis notitia quando cœperit esse necessaria.

Sed contrà Obijcitur Primò, Ioannis 3. v. 3. Nisi quis renatus fuerit ex aqua & Spiritu sancto, non potest intrare in regnum Dei: de quo loco D. Augustinus epist. 108. ad Celeucianum: Postquam à Domino dictum est, nisi quis renatus fuerit ex aqua & graue peccatum est non baptizari: ergo &c. Respondeo, Illa verba respicere tempus futurum: significat enim Dominus quidnā post Euangelij promulgationem esset futurum. Ita D. Bernardus epist. citata 77. Similiter intellige D. Augustinus, ut sensus sit, Post illud tempus, quod Dominus designauit, cum dixit, Nisi quis renatus &c. graue peccatum est non baptizari. Simili modo loquitur Dominus Ioannis 6. v. 53. de Eucharistia, Nisi manducaveritis carnem, & biberitis sanguinem &c.

Obijcitur Secundò, Per mortem Christi, quā dixit Confusum est, cessauerere legalia: ergo tunc caput obligatio baptismi. Respondeo. Negando Consequentiam; Ethi enim tunc cessaverint quoad præcipiam rationem institutionis, quæ est, ut essent umbra futurorum; tamen adhuc licet seruabantur usque ad integrā in tota gente Iudaica

6  
Institutus  
est in Chri-  
sti baptis-  
mo proba-  
biliter,

7  
Vero simi-  
lius, pōst.

Responde-  
tur obie-  
ctioni  
& Patribus.

Iudaica Euangeli promulgationem. Nec est necesse, ut cessante obligatione legis veteris statim inciperet in toto mundo obligatio legis nouae.

Tertia. Obijicitur Tertiò, Matth. 28. Dominus dedit Apostolis præceptum Baptizandi omnes gentes; sed hoc non poterat commodi fieri, nisi eas obligando ad Baptismum: ergo ex eo tempore omnes cœperunt obligari. Respondeo, solum remotè & mediæ obligavit tunc gentes; nempe quatenus præcepit Apostolis, ut legem suam omnibus promulgent, & baptizent omnes; posita enim promulgatione, vult omnes obligare. Sicut si Rex præcipiat proregi, ut exigat à singulis certum tributum, non obligat subditos ad soluendū, nisi posita exactio.

Quarta. Obijicitur Quartò, Lex noua videtur promulgata in Pentecôte, quādo impletis omnibus fidei mysterijs, descēdit Spiritus S.; & Petrus solemniter Christum prædicauit. Respondeo, tunc capi quidem solemniter promulgari per Apostolos, sed hæc promulgatio non erat sufficiens ut simul vniuersum mundum obligaret. Deinde, hæc promulgatio solum pertinebat ad Iudaos; ut colligatur ex cap. 2. Actorum: nam ad gentes non fuit facta, nisi aliquot annis post, quando Petrus missus fuit ad Cornelium. Actorum 10.

### ARTICVLVS III.

#### Vtrum Aqua sit propria Materia Baptismi?

10  
Errores  
hæreticorū  
circa mate-  
riam Bap-  
tismi.

R Espondetur affirmatiuè. Notandi sunt alii quot errores antiquorum hæreticorum circa materiam Baptismi. Primus est Gnosticon, qui negabant aquam sensibilem baptismu necessariā, teste Irenæo lib. 1. contra hæreses cap. 18. Hos fecuti Manichæi, qui putabant aquam, sicut & reliquias res corporeas esse à malo principio; teste D. Augustino hæresi 46. & Seleniani, qui etiam Baptismum in aqua non recipiebant; teste Augustino hæresi 59. Hi omnes volunt aquam in illis verbis Ioannis 3. Nisi quis renatus fuerit ex aqua &c. metaphorice sumi: sicut accipitur cap. 4. cùm Dominus ait, Si quis biberit ex aqua, quam ego dabo ei, non siet in æternum.

Secundus error est Iacobitarum, qui exorti sunt circa annum 590. Hi imprimebant candente ferro frontibus hominum figuram Crucis; quia scriptū est, Ipse vos baptizabit Spiritu sancto & igne. Testatur Bernardus Lutzenburgensis in Catalogo; & Sanderus lib. 7. visibilis Monachus.

Tertius error fuit Flagellantiū in Gallia & Germania circa annum 1350. Hi volebant materiam Baptismi esse proprium sanguinem flagello elicatum: contra quos Gerson fecit quedam tractatum.

11  
Sententia  
Catholica,  
& de fide.  
Sed fide tenendum est, Baptismi materiam esse veram sensibilem & vsualem aquam. Definitur in Cōcilio Lateranensi Capitulo Farnèser. Et in Florentino in decreto vñionis Armororum: & in Tridentino fess. 7. can. 2.

Probatur ex Scripturis: Primò, Ex novo Testamento, Nisi quis renatus fuerit ex aqua & spiritu sancto: quæ verba sub peccata anathematis vetat Concilii Tridentini detorqueri ad metaphoras. Et cōfirmatur Act. 8. v. 36. Ecce aqua; (inquit Eu-

nuchus) quis prohibet me baptizari? Et ad Ephes. 5. y. 26. Mandans eā lavacrum aqua in verbo. Vnde Apost. ad Corinth. 10. comparat Baptismum mari Rubro: Et Petrus epist. 1. cap. 3. comparat Diluvio.

Secundò. Idem probatur ex veteri testamento. Ezechielis 36. v. 25. Effundam super vos aquam mandam. Et Zacharia 13. v. 1. In illa die erit fons patens domini David in ablutionem peccatorum. Quod ut Deus præsignaret, multa admiranda per aquam ab initio effectis; ut pulchritudine ostendit Tertullianus lib. de Baptismo, & Hieronymus epist. ad Oceanum, & alij Patres. Primo, In exordio mundi, Spiritus sanctus ferebatur super aquas, fouens eas: Genes. 1. v. 2. Secundò, Collocata est magna pars aquarum super firmamentum: ibidem. Tertiò, Aquis datum est primum præceptum, seu prima benedictio ut animas proferret, teste Tertulliano & Hieronymo. Nam quinto die dictum est, Producant aqua reptile anima viuentis, & volantib; quo insinuatum est, benedictione & imperio Dei Baptismum sensata pennataque animalia in cœlum volantia editurum. Quartò, Per aquam delentur peccata, seu peccatores in Diluvio, & saluantur iusti: Genesis 7. & 1. Petri 3. Quintò, Saluantur Israëlix per mare R̄ubrū, & submergantur Egypti: Exod. 14. Sextò, Mundatur Naaman à lepra; 4. Reg. 5. Septimò, Curantur omnes languores in probatica Pilscina: Ioannis 5. Octauo, Dominus primum Miraculum fecit in aquis, conuertens eas in vinum in nuptijs. Ioannis 2. Et similiter ultimum, quando ex latere Fluxit sanguis & aqua, Ioannis 19.

Congruentia inter apertos sunt effectus baptismi significandis: ut effectus ostendit Iustinus Apolog. 2. & Leo serm. 4. & 5. aqua & Baptismi.

Tertiò Probatur: Ex proprietatibus aquæ, que significat cupiditatem extinctionem. Secundò, Maeulas corporis eluit. Tertiò, Animantia suffocat: vnde rectè designat & peccatorum abfersionem, & irrationalium concupiscentiarum interitum. Quartò, Perspicua est ad illuminationem: vnde significat illuminationem animæ. Quintò, Emolliit indurata: ita baptismus eorū durum emolliit. Sextò, Est secunda: nam omnia semina habent vim aquæ. Vnde ad gerandum nouum hominem aptissima. Hinc Tertullianus lib. de Baptismo, Primus liquor, quod vine-ret, edidit; ne mirum sit in baptismo, si aqua animare nouerunt. Septimò, Mergendo hominem in aqua, optimè Christi lepiduram exhibemus. Vide D. Thomam. His adde; Aquam ubique presto esse, & facillimè ab omnibus haberi; vnde etiam hac ratione erat aptissima Baptismi Sacramento, quod cùm inter omnia sit maxime necessarium, debet esse maximè promptum, & expeditum.

Sed Contrà. Primò, Scriptura comparans Baptismum Ioannis cum baptismo Christi, semper dicit Ioannem baptizare aquâ, Christum spiritu sancto & igne. Patet Matth. 3. Luca 3. Ioannis 1. Ergo Christi Baptismus nō fuit in aqua.

Respondeo; Census est; Baptismum Ioannis esse in aqua tantum, nec dare Spiritum sanctum. Quod autem locis illis dicitur, Ille baptizabit spiritu sancto & igne, significatur Spiritum sanctum effundendum in Apostolos sub specie ignis seu igne. linguarum ignearum; ita Hieronymus in cap. 3. Matth. vel, Christum baptizaturum suos spiritu sancto; id est, p̄sigatur copiosa Spiritus sancti effusione,

12